



অবিলম্বে প্রকাশের উদ্দেশ্যে: 9/11/2025

গভর্নর ক্যাথি হোকল

শিক্ষা সহায়তার মাধ্যমে 9/11-এর পরিবারগুলোর প্রতি গভর্নর হোকল নিউ ইয়র্কের
অঙ্গীকার পুনর্ব্যক্ত করলেন

স্টেটের বিভিন্ন কর্মসূচি এখনো 9/11-এর পরিবার এবং বেঁচে যাওয়া ব্যক্তিদের কলেজ
সহায়তা প্রদান করছে

24 বছর পরেও: নিউ ইয়র্কের শক্তি এবং অঙ্গীকার অটল রয়েছে

আজ গভর্নর ক্যাথি Kathy Hochul (ক্যাথি হোকল) সেপ্টেম্বর 11 তারিখের সন্ত্রাসী হামলায়
ক্ষতিগ্রস্তদের জন্য বৃত্তি, অনুদান এবং অন্যান্য আর্থিক সহায়তার ব্যবস্থা করার কথা তুলে
ধরেছেন। [নিউ ইয়র্ক স্টেট হায়ার এডুকেশন সার্ভিসেস কর্পোরেশন \(New York State Higher
Education Services Corporation, HESC\)](#) পরিচালিত এই কর্মসূচিগুলো তাদের জন্য একটি
গুরুত্বপূর্ণ অবলম্বন যারা অবর্ণনীয় ক্ষতি ও কষ্টের শিকার হয়েছেন এবং এর মাধ্যমে উচ্চশিক্ষায়
তাদের সুযোগ নিশ্চিত করা হবে।

"যাদের আমরা হারিয়েছি তাদের পরিবারকে এবং সেই দিনের ভার বহনকারী জীবিতদের সমর্থন
করার প্রতিশ্রুতিতে নিউ ইয়র্ক স্টেট অবিচল," **গভর্নর Hochul (হোকল) বলেন।** "এই
গুরুত্বপূর্ণ শিক্ষা কার্যক্রমগুলো আমাদের চলমান প্রতিশ্রুতির প্রমাণ। আমরা আজ এবং
সবসময় 9/11-এ ক্ষতিগ্রস্তদের পাশে থাকব যাতে তারা তাদের প্রাপ্য সুযোগ এবং সহায়তা
পায়।"

**9/11-এ পরিবার ও বেঁচে যাওয়া ব্যক্তিদের জন্য NYS কলেজ ফাইন্যান্সিয়াল এইড
প্রোগ্রাম (NYS College Financial Aid Programs)**

নিউ ইয়র্ক স্টেট বিভিন্ন আর্থিক সহায়তা কর্মসূচি প্রদান করছে যা 11 সেপ্টেম্বরের মর্মান্তিক
ঘটনার কারণে সরাসরি ক্ষতিগ্রস্তদের উচ্চশিক্ষায় আর্থিক সহায়তা দেয়। এই কর্মসূচিগুলোর
অনেকগুলোই উপস্থিতির খরচ বহন করে, যার মধ্যে টিউশন ফি, আবাসন ও খাবার, ফি এবং
অন্যান্য খরচ অন্তর্ভুক্ত। এই আর্থিক প্রতিবন্ধকতাগুলো দূর করার মাধ্যমে নিউ ইয়র্ক স্টেট
নিশ্চিত করছে যে যোগ্য শিক্ষার্থীরা খুব সামান্য বা একেবারেই নিজের পকেট থেকে খরচ না
করেই তাদের শিক্ষা চালিয়ে যেতে পারবে যার ফলে পরিবার ও ব্যক্তির আর্থিক চাপ ছাড়াই
উজ্জ্বল ভবিষ্যৎ গড়ে তুলতে সক্ষম হবেন।

মূল কর্মসূচিগুলোর মধ্যে রয়েছে:

- **ওয়ার্ল্ড ট্রেড সেন্টার মেমোরিয়াল স্কলারশিপ:** 9/11 হামলায় নিহত বা গুরুতরভাবে আহত ভুক্তভোগীদের সন্তান, স্বামী/স্ত্রী এবং আর্থিকভাবে নির্ভরশীলদের জন্য উপস্থিতির খরচ বহনকারী বৃত্তি প্রদান করা হয়।
- **NYS মেমোরিয়াল স্কলারশিপ:** নিউ ইয়র্ক স্টেটে দায়িত্ব পালন করার সময় যেসব জরুরি সেবাদানকারী প্রাণ হারিয়েছেন অথবা স্থায়ীভাবে অক্ষম হয়েছেন, তাদের সন্তান, স্বামী/স্ত্রী ও নির্ভরশীলদের জন্য এই বৃত্তি শিক্ষার সম্পূর্ণ ব্যয়ভার বহন করে।
- **মিলিটারি এনহ্যান্সড রিকগনিশন ইনসেনটিভ অ্যান্ড ট্রিবিউট (Military Enhanced Recognition Incentive and Tribute, MERIT) স্কলারশিপ:** এই বৃত্তি নিউ ইয়র্কের সেইসব বাসিন্দা, তাদের সন্তান, স্বামী/স্ত্রী এবং আর্থিকভাবে নির্ভরশীলদের জন্য পূর্ণ ব্যয় বহন করে, যাদের পরিবারের সদস্য সশস্ত্র বাহিনীতে কর্তব্য পালনকালে মৃত্যুবরণ করেছেন অথবা স্থায়ীভাবে অক্ষম হয়ে পড়েছেন।
- **মৃত ও অক্ষম প্রবীণদের সন্তানদের জন্য NYS রিজেন্টস অ্যাওয়ার্ডস:** যোগ্যতাসম্পন্ন স্নাতক শিক্ষার্থীদেরকে বার্ষিক পুরস্কার প্রদান করা হয়, যাদের পিতা বা মাতা নির্দিষ্ট যুদ্ধকালীন সময়ে কর্তব্যরত অবস্থায় মৃত্যুবরণ করেছেন, অক্ষম হয়ে পড়েছেন, যুদ্ধক্ষেত্রে নিখোঁজ হয়েছেন বা যুদ্ধবন্দী হয়েছেন।

পরিবার এবং বেঁচে যাওয়া ব্যক্তিদের তাদের কলেজ আর্থিক সহায়তা সর্বাধিক করতে বৃহত্তর স্টেট ও ফেডারেল কর্মসূচিতে আবেদন করার জন্যও দৃঢ়ভাবে আহ্বান জানানো হচ্ছে। ফেডারেল অনুদান ও লোন পাওয়ার প্রথম ধাপ হলো [ফ্রি অ্যাপ্লিকেশন ফর ফেডারেল স্টুডেন্ট এইড \(Free Application for Federal Student Aid, FAFSA\)](#) পূরণ করা। উপরন্তু, নিউ ইয়র্কের [টিউশন অ্যাসিস্ট্যান্স প্রোগ্রাম \(Tuition Assistance Program, TAP\)](#) যোগ্য স্টেটবাসীদেরকে অনুদান প্রদান করে যা প্রতি বছর হাজার হাজার শিক্ষার্থীকে টিউশন ফি প্রদানে সহায়তা করে এবং উচ্চশিক্ষার জন্য আর্থিক বোঝা হ্রাস করে।

নিউ ইয়র্ক স্টেট হায়ার এডুকেশন সার্ভিসেস কর্পোরেশনের সভাপতি Dr. Guillermo Linares (ডা. গুইলারমো লিনারেস) বলেন, "শিক্ষা হলো নিরাময়, উন্নতি এবং পরিবর্তনের একটি শক্তিশালী হাতিয়ার। এই কর্মসূচিগুলো শুধু 9/11-এর ক্ষতিগ্রস্তদের জন্য গুরুত্বপূর্ণ সহায়তা প্রদান করে না, বরং নতুন সুযোগের দরজা খুলে দেয়, যাতে তারা উজ্জ্বল ভবিষ্যত গড়ার জন্য প্রয়োজনীয় রিসোর্স পেতে পারে। তাদের শিক্ষায় বিনিয়োগের মাধ্যমে আমরা তাদের উত্তরাধিকারকে সম্মান জানাই এবং তাদের সফলতার পথে সহায়তা করার প্রতিশ্রুতি পুনর্ব্যক্ত করি।"

স্টেট ইউনিভার্সিটি অব নিউ ইয়র্কের চ্যান্সেলর John B. King Jr. (জন বি. কিং জুনিয়র) বলেন, "SUNY গভর্নর Kathy Hochul (ক্যাথি হোকল)-এর সঙ্গে যোগ দিয়ে 11 সেপ্টেম্বরের হামলায় ক্ষতিগ্রস্ত পরিবার ও বেঁচে যাওয়া ব্যক্তিদের জন্য স্টেটের চলমান সহায়তায় অংশ নিচ্ছে। আমাদের হৃদয় সেই দিনের ভয়ঙ্কর ঘটনা ও প্রাণহানির কারণে ভেঙে গেছে এবং আমরা নিহতদের পরিবারকে নিশ্চিত করতে বাধ্য যে তারা তাদের স্বপ্ন পূরণের জন্য উচ্চমানের শিক্ষা অর্জনের সুযোগ পাবেন। SUNY আমাদের 64টি ক্যাম্পাস জুড়ে 9/11-এর

পরিবারের শিক্ষায় গর্বিত এবং আমরা হামলা ও পরবর্তী ঘটনায় যারা প্রাণ হারিয়েছেন তাদের সম্মান জানাতেই থাকব যাতে ভবিষ্যৎ প্রজন্ম জানে ঐ করুণ দিনটিতে কী ঘটেছিল।"

সিটি ইউনিভার্সিটি অব নিউ ইয়র্কের চ্যান্সেলর Felix V. Matos Rodriguez (ফেলিক্স ভি. মাতোস রদ্রিগেজ) বলেন, "আমরা যখন 11 সেপ্টেম্বর এবং আমাদের সিটি, স্টেট ও দেশের উপর এর প্রভাব নিয়ে চিন্তাভাবনা করি, তখনও আমাদের প্রতিশ্রুতি কমে যায়নি — সেই সব নায়ক এবং তাদের পরিবারের প্রতি যারা সর্বোচ্চ ত্যাগ স্বীকার করেছেন। আমরা চাই এই পরিবারগুলো জানুক যে CUNY তাদের উষ্ণ অভ্যর্থনা জানাতে প্রস্তুত এবং তাদের লক্ষ্য অর্জনে সহায়তা করতে প্রতিশ্রুতিবদ্ধ।"

নিউ ইয়র্ক স্টেট শিক্ষা বিভাগের কমিশনার Betty Rosa (বেটি রোজা) বলেন, "একটি শিক্ষামূলক সমাজ হিসেবে, আমাদের দায়িত্ব হলো শিক্ষার্থীদের এই দিনটির তাৎপর্য বোঝানো, শুধুমাত্র স্মরণ করার মুহূর্ত হিসেবে নয়, বরং এটি স্থিতিস্থাপকতা, সেবা এবং একে অপরের পাশে দাঁড়ানোর গুরুত্বের একটি শিক্ষা। শিক্ষার মাধ্যমে আমরা সহানুভূতি, নাগরিক দায়িত্ববোধ এবং একটি নিরাপদ, শক্তিশালী ও আরো ঐক্যবদ্ধ ভবিষ্যৎ গড়ার প্রতি অঙ্গীকার পূরণে সাহায্য করতে পারি।"

অ্যাসেম্বলিমেম্বার Alicia Hyndman (অ্যালিসিয়া হাইন্ডম্যান) বলেন, "সেপ্টেম্বর 11-এর দুর্ঘটনার প্রায় পঁচিশ বছর পরও যারা অপূরণীয় ক্ষতির মুখোমুখি হয়েছেন তাদের পরিবার ও বেঁচে থাকা ব্যক্তিদের সহায়তা করার মাধ্যমে নিউ ইয়র্ক তার প্রতিশ্রুতি পূর্ণ করেছে। এই বৃত্তিমূলক কর্মসূচিগুলো কেবল আর্থিক সহায়তাই নয়, এগুলো আমাদের স্থায়ী অঙ্গীকারকে প্রকাশ করে: স্মরণ, সহনশীলতা এবং শিক্ষার শক্তি দিয়ে মানুষকে উন্নত ও পুনরুজ্জীবিত করা। আমি গভর্নর Hochul (হোকল) এবং HESC-এর প্রশংসা করি যারা নিশ্চিত করছেন উচ্চশিক্ষা তাদের জন্যও প্রাপ্য, যাদের জীবন চিরতরে বদলে গেছে এবং তাদের ত্যাগকে অর্থবহ সুযোগের মাধ্যমে সম্মান জানাচ্ছেন।"

যোগ্যতার মানদণ্ড এবং নিউ ইয়র্ক স্টেটের অন্যান্য আর্থিক সহায়তার সুযোগের মতো কর্মসূচিগুলোর বিষয়ে আরো জানতে, hesc.ny.gov ভিজিট করুন।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)